

BELIEVERS EASTERN CHURCH

Mwrwknaini Koktun

January/February 2024

Joto Archbishop rokno, bishop rokno, Ochai tei Deacon father rokno, Chonghor rokno tei Order of sister rokno, hakotor gwnangwi Believers Eastern Churchni joto poito khlainairokno Pha, Sajla tei Phola Kwtharni mungbai Hamari tei khakaham yapharo. Amen!

Khristoni khapangni takhuksong,

Khristo chwngbai tongo!

Norokno omono swi ang belai bkha tongthogo tamni hwnkhe chwng Kwthar mothani kaisa belai nangkukma jorao hablai tonglaio. Omo wngkha kaisa kotor Lent Jora abo February 11th salmarini simi chengwi 31st March salmari jora wngnai.

O jora wngkha okbukcha tonglainani tei surilainani jora hwnwi sinijago. O jorao poito khlainairok Khristoni paithakni salni kokno muitu khlaijago, abokhe Khristo kruso thwimani, phobjakmani tei kwthwino mechenwi salthamni salo thangwi bachau kwplai wngmani kok. Khristono rwktharnai wngwi tei Kwthar mothani poito khlainai wngwi chwng ah jorano naisinglai tongo je abo Easter jorano kaham khe palainani tiyar wngwi tongwi mannatwi. O jorao, chwng saksakni langmano amjogwi nailai anw tei monlai anw tei koinene wngwi bkha nangwi chini pholano rotom rwlai anw.

Abono karwi aro Tai kaitham Pilar eba palano mothani poito khalairokno khlainani sajago.

Surima: o Lent ni jorao, chwng mansak kwbangkuk surinani sajago. Tamni hwnkhe chwng jeswkno kwbang suridi aswkno kwbang chwng swlaijago hake chwng chini langmao Kaitorni muchungmano supungwi mannatwi - abo chuknahao wngma hai. Chwng Kaitorno surio tei Bini khairokma chini thani nango hake chini sumsok nakarjaknani tei Bo kahai wngwi mannani. Hake chwng chini salbrumni langmao tongtharni tongmungni bwthai pirwi mannani.

Chah-yai surima: Chwng chahmung simi yakarnani ya, loi hamyano bu yakarnani. Chwng kaham tongmungno yakarthai kwrwi Tamo khe Kaitorni khairokma tei maya ni bisingtwi tongwi tongtharno yachaknai borok wngwi tongnani. Chwng chahmung bai hakchal khe tongmani logi phaidi chwng chini negetive uansukmungrok, kok hamyarok, samung hamya khlaima rok bai bu chalwi tonglai anw. Pholani tongmungo torlaiui nini nukhungno surinai tei lobnai nukhung swnamwi ton di.

Bigrarokni bagwi Yapharma: Elembago Jisaiah 58:7 o sao, jephuru chwng bigra rokno tei kwlwkjakrokno mungsaswk yapharo aphuru chwng chah-yai surimano Kaitor khaphurjago. Lent ni jorao chwng chah-yai ah chamungno tei rangrino khatiui kwrwirokno rwi mannani abono o Lent ni naharmung. Biyalo kwlaajakrokno chubai manmani abo Kaitorno bkha swrang rwo. O kotor Lent ni jora o chwng nukhungni wngwi eba mothani wngwi buino chubalai mano. O kotor Lent no palainani kainwi khe palai mano, kaisa khe saksak tongwi surima tai kaisa khe mothao palkhe kuthumlai surima. O kainwino baksa tei belai nangkukma.

Saksak surimao khe, chwng kwthar khe chah-yai tongnani, sak amjogwi nainani tei saichung sak suri jora swbaima tei diyaima. Tai kaisa bwkhaktwi khe chwng mothani borokbai kwrwnglai mansak jora twi liturgy twi suriui panda khlainani. Chwng omohai khlaimao saichung ya abose kaisa tongthokmani kok. Chini motha wngkha kaisa pholani nukhung, khoroksa tai khoroksa no chubalaio tei dumsalaio. Tamo khe omohai khlaima bisingtwi chwng kwra wngo tei bkha bachao.

Tai kisa kok sajaknai khe, ang norokno o tolani kokno bu kisa uansugwi nainani sajao.

1. Mothani joto Lent ni panda khlaajaknai tongmano paisugwi khlaidi. O kotor Lent no salbrumno kaham khe kh lai manna bagwi Kwthar Synodni wngwi norok salbrumno juda juda elembak porijaknai, salbrum Lentni uansukjaknai, salbrum surima liturgy guideline, akorok mannai.

2. Nukhung surima Haya: Chah-yai surimao kwbangkuk surithai tei abo nukhungo bu wngthai. Phai di chwng bkha chonglainai o kotor Lentni surimao nukhungo haya ono choyau surilainani.

3. Jisuni surima suridi: "Subrai Jisu Khristo, Kaitorni Sajla, angtwi sumgwnangno maya khelaijadi." O kaisa surimano no sapung romwi suri mano. Tumungno norokni thani surimung dwkhwi tong khe, mansak jora twi o surimano sa di.

Ang tei chwngh jotono o Kwthar mothani khelaijaknaino saknangya ta wngthung hwnwi ang norokno bkha bacha rwo. Norokni pholani pha wngwi, ang bu norok bai baksa no o himlaimungo kwrwngnai. Phaidi chwngh pal baksa Kaitorni hamari yachaklaina bagwi bws kang agoklai anw.

Khristo chwngh bai tongo! Tongnai tei tongphlainai. Amen!

Khristo o norokni Pha.

Athanasius Yohan I Metropolitan

Date: 15 January 2024

Place: Holy Synod